

四庫全書

史部

欽定四庫全書

史部

浙江通志卷三十三

詳校官給事中臣戴璐

檢討臣德生覆勛

總校官編修臣倉聖脉

校對官學正臣湯垣

謄錄監生臣陸昂

欽定四庫全書

浙江通志卷三十三

關梁

天官家皆以牽牛主關梁而吳越適當其次且地居水陸之衝舟車輻輳觀天象而審地利關梁之謹在所必先故月令著察禦之文王制垂火覲之戒寧得以至德之世山無蹊遂澤無舟梁也而忽不加之意焉志關梁

杭州府

錢塘仁和
二縣附郭

錦雲橋 成化杭州府志宋名六部橋元名通惠橋

西湖游覽志東通候潮門大河之水自龍山闌入
鳳山水門從南而北首過此橋

安和橋 成化杭州府志原名聖安寺橋

州橋 萬歷杭州府志舊府治在橋西因名

黑橋 咸淳臨安志六部橋北

通江橋 西湖游覽志本名慶元橋橋之南為過軍

橋

望仙橋 程火朝天門之東有橋曰望仙仰眺吳山
如卓馬立顧紹興間望氣者以為有鬱蔥之符秦
檜專國心利之請以為賜第其東偏即檜家廟而
西則一德格天閣之故基也

新宮橋 成化杭州府志舊名宗陽宮橋宮在橋東
西湖游覽志小河之水自新宮橋分派

三聖橋 萬曆錢塘縣志舊有三聖廟故名

佑聖觀橋 萬厯杭州府志今呼為鐵佛寺橋武林
梵志旁有慈光寺寺有彌勒佛以鐵鑄之俗稱鐵
佛寺因以名橋

府橋 杭州府志原名榮府橋成化杭州府志宋榮
王府在橋東因名

太和橋 夢梁錄常慶坊東北曰太和橋俗名紫梁
清泰橋 成化杭州府志舊名薦橋錢塘縣志上有
英濟廟以祀潮神今名清泰庵

積善橋 萬曆杭州府志舊有回回拜佛堂俗呼回
回新橋

豐樂橋 明一統志在府治東四里西湖游覽志宋
有豐樂樓酒肆其北有橋園亭宋時此地多樹橋
油局橋 西湖游覽志宋時為油蠟局成化杭州府
志元名新橋

惠濟橋 西湖游覽志俗稱鹽橋宋時鹽船待權于
此上有廣福廟

仙林橋 明一統志在府治東北五里夢梁錄仙林
寺東

登雲橋 嘉靖仁和縣志新建舊名西橋宋時有平
糴倉仁和縣志貢院在其北每棘闈榜發獲雋者
由貢院赴布政司飲宴鼓吹導引必登此橋取登
青雲之義故名

西橋 仁和縣志一名塌坊橋東有宋時御酒庫
平安橋 嘉靖仁和縣志宋時有金錫庫即銅錢局

通濟橋 咸淳臨安志 豐儲倉後俗呼梅家橋西湖
游覽志橋畔有真濟廟傍有臘脂橋

梅東高橋 仁和縣志梅東高橋北為小梅家橋白
洋池橋方家橋今廢

中宮橋 杭州府志或作鍾公東南通新宮橋大河
西湖游覽志通上下抱劍營本名寶劍營錢王屯
軍之所又北通集慶巷

熙春橋 西湖游覽志宋有熙春樓

金波橋 咸淳臨安志 通和坊內

寶祐橋 咸淳臨安志 寶祐坊內 杭州府志 橋北有

巧兒橋 亨橋 今廢

平津橋 夢梁錄 賢福坊東 俗名貓兒橋 武林紀事 明正統四年

年杭城貓兒橋河水五色旬日方解是歲橋北陳綱中解元

方便橋 錢塘縣志 舊名平安橋 南有舍人橋 又廢

永清橋 咸淳臨安志 舍人橋北 錢塘縣志 俗名水巷橋

芳潤橋 夢梁錄 元名炭橋 西湖游覽志 宋時為藥

市又北為書坊沿河而南為履善坊

國朝康熙二十六年重修

李博士橋 萬歷杭州府志宋李性傳為武學博士
嘗寓居此巷以修武志故名橋曰博士橋巷曰武志坊

國朝康熙二十六年重修

棚橋 嘉靖仁和縣志因近棚心寺故名

國朝康熙二十六年重修

清寧橋 萬歷杭州府志舊名度生橋西湖游覽志

俗稱鵝鴨橋橋畔宋有春風樓謂之北酒庫

國朝康熙二十六年重修

軍頭司橋 仁和縣志貢院在東院坊在西

國朝康熙二十六年重修

倉橋 杭州府志舊名仁和倉橋嘉靖仁和縣志東

有宋時豐儲倉

國朝康熙二十六年重修

天水橋 咸淳臨安志六部架閣庫前

破倉橋 咸淳臨安志淳祐倉前仁和縣志舊名百

萬倉橋

國朝康熙二十六年重修

普濟橋 錢塘縣志上有華光廟今廟在平陸

侍郎橋 夢梁錄向有侍郎郎簡居此有德及人里

卷賢之以名其橋

三橋 杭州府志俗呼三橋子夢梁錄在韓府南

曲阜橋 萬歷杭州府志在河之西跨街南北西湖

水由此入西河西湖游覽志一名溜水橋宋有韓
樞密府又軍將橋宋有茉莉園

井亭橋 仁和縣志以相國井得名宋煮庫在此

洪福橋 咸淳臨安志清和坊東嘉靖仁和縣志西
有楊和王府

鞞鼓橋 咸淳臨安志洪福橋北西湖游覽志宋太
學造工之初鳴鼓集飯有劉耆者山東來目雙瞽
善聽聲過之問曰此何地適聞鼓聲官氣甚旺旁

人以建太學語之者曰若如此則不出宰相永無
火災嘉泰中高文虎為祭酒欲為陳自強之奉遂
謂鼓壞請更鞞之未幾自強正拜因名其所曰鞞
鼓橋

八字橋 夢梁錄在十官宅前舊呼洗麩橋成化杭
州府志與清湖橋成八字

江學士橋 仁和縣志以明學士江曉居此得名

石湖橋 嘉靖仁和縣志宋范成大號石湖居此一

名石灰橋

結縛橋 西湖游覽志相傳宋時下瓦勾欄觀者

雲集時馬光祖尹京令行禁止得遺物者縛于此

以待失者故名

衆樂橋 夢梁錄自衆安橋轉西成化杭州府志跨

東西河路通南北舊名下瓦後橋

衆安橋 成化杭州府志南北跨大街

國朝雍正九年總督臣李衛建南糧倉于駐防城內因

濬西河以通轉運以舊橋過卑有礙舟楫與衆樂橋
同時增築加崇往來始便

觀橋 咸淳臨安志在報恩坊北成化杭州府志跨
大街南北下為斷河頭自北而西一帶為觀橋河

西湖游覽志吳越王建題其梁曰吳越王寶正六

年辛卯四月八日因建錢明觀造此石橋

賈愚觀
橋春水

詩門前流水綠迢迢春抹鵝黃上柳條
半夜雨聲渾似洗一篙新漲欲平橋

貢院橋 嘉靖仁和縣志元時貢院在此西湖游覽

志俗稱潤板橋

祥符橋 西湖游覽志橋畔有祥符寺故名

迴龍橋 兩湖塵談潮鳴寺舊名歸德南宋時駕幸

至此聞潮聲而回今寺後有橋曰迴龍仁和縣志

即小新莊橋過西落北歷教場師姑斜橋出武林

水門

清湖橋 萬歷杭州府志八字橋河西跨街南北自

北而西一帶名清湖河

安濟橋 咸淳臨安志在楊駙馬府前西杭州府志

東有黑橋左藏庫橋今俱廢

長生老人橋 咸淳臨安志在霍使君廟前

紀家橋 西湖游覽志在按察司左元時改乘驄橋

其西為西湖書院

車橋 嘉靖仁和縣志宋時車馬門近此

長壽橋 咸淳臨安志茶場巷元名楊四姑橋仁和

縣志以近長壽寺故名

教場橋 仁和縣志在教場門東東達觀橋大街舊
名大新莊橋

國朝康熙二十六年重建

師姑橋 仁和縣志亦名獅虎橋

國朝康熙二十六年重建

中正橋 西湖游覽志俗呼斜橋自此而南至正陽
門為宋時御街

湧金橋 成化杭州府志在運司後水從西湖水口

來

轉運橋 西湖游覽志 俗稱渡子橋從此而南為普安橋在運司前

臺後橋 成化杭州府志 御史臺後因名

惠遷橋 西湖游覽志 一名金文橋其南宋有金文

酒庫成化杭州府志 水自湧金橋至此入三橋河

宣化橋 西湖游覽志 宋時俗稱懊來橋至今仍之

謂好訟者至此皆有悔心也

戒子橋 萬曆杭州府志舊慈幼局前

流福橋 夢梁錄元呼閘兒橋

凌雲橋 成化杭州府志舊名凌家橋錢塘縣志俗稱廟橋府學路舊由此入故曰凌雲

福寧橋 萬曆杭州府志舊名福壽東達油車巷今入織染局

轉運新橋 錢塘縣志運司前又二門內有玉帶橋
西通湧金池環署合流出新橋

壩子橋 夢梁錄在艮山門東曰順應橋舊名壩子

橋

國朝康熙間重修

新橋 仁和縣志一名廣積倉橋

國朝康熙間重修

太平橋 萬歷杭州府志在菜市橋北

菜市橋 杭州府志舊名慶春橋

萬安橋 錢塘縣志在淳佑橋北

國朝康熙間重建

橫河第二橋 萬厯錢塘縣志 俗呼東橫河橋

橫河第一橋 萬厯錢塘縣志 俗呼西橫河橋

土橋 仁和縣志 舊稱泥橋 向逢靈雨 行者裹足不

前里人李茂玉創改石橋 往來稱便

淳祐橋 咸淳臨安志 在章家橋北

春熙橋 西湖游覽志 一名裝駕橋 相傳宋高宗自

越州渡江還臨安 泊舟裝駕於此 蓋其時橋在城

外故也土人訛為章家橋

國朝康熙八年重建

安樂橋 杭州府志近章家橋

平安第三橋 萬厯杭州府志俗呼豆腐三橋

平安第二橋 萬厯杭州府志俗呼豆腐二橋

平安第一橋 杭州府志俗呼豆腐一橋豆腐亦曰

關富

諸家橋 錢塘縣志一名車駕橋宋有車駕司

閘橋 杭州府志原名保安閘橋又有保安橋水門

橋

普濟橋 萬厯杭州府志舊名過軍橋

錢塘縣

城外
關梁

安溪關 南關 樞事書孝女北管二畝

詳見
權稅

觀音關 北新關志在調露鄉

詳見
權稅

錢塘縣志觀音

橋在餘杭塘河岸

板橋關 北新關志在調露鄉

詳見
權稅

萬厯杭州府志

板橋去城北二十里萬曆二年僧通本重建

良馬關

北新關志在靈芝三都六畝

詳見
權稅

良畎關

北新關志在靈芝三都二畝

詳見
權稅

救糶關

南關權事書在城南上隅五畝

詳見
權稅

美政關

即美
政橋

南關權事書在城南上隅五畝

詳見
權稅

古蕩關

南關權事書在尉司下扇一畝錢塘縣志

明洪武中建

詳見
權稅

濟川橋

西湖游覽志在抽分廠前初名擺木橋相

傳錢氏偏據時旁堆擢木俗因呼之又謂普濟橋
或曰因舊有普濟寺得名明正德六年主事王光
佐重建改今名

跨浦橋 成化杭州府志通浙江與渾水普濟二橋
相連

蕭公橋 錢塘縣志今名慶豐關關東南有乾橋宋
名銀洞橋少北進方家峪有環翠橋皆不通舟楫
外橫河橋 咸淳臨安志便門外杭州府志今名炭

橋

裏橫河橋 咸淳臨安志便門外南杭州府志今名

南新橋

梁家橋 西湖游覽志進九曲巷出青果團

諸橋 西湖游覽志街通上輓路

洋泮橋 西湖游覽志有龍王廟明萬曆中建海月

橋於橋南

化仙橋 萬曆杭州府志舊抽分木橋人多溺死里

人徐原楚以石其患始免因以化仙名之

水登橋 錢塘縣志西通水登廟

龍山上閘大橋 錢塘縣志閘高江水旱不入閘

晉龍橋 虎跑寺志建于嶺下入山第一橋為江鄉

關鎖寔本寺始步

國朝康熙六十年巡撫屠沂重建

徐村大木橋 通富陽驛道為往來要衝舊係木橋

國朝雍正五年總督臣李衛改建石橋

萬年橋 萬歷杭州府志范村南十里萬歷戊子杭

守余良樞建

余良樞建萬年橋記萬年橋舊名上諸去郡城三十里許濱錢塘江湖激

屢圮者民胡璋募修復舊未十年復圮予聞之乃捐俸伐石工徒並作屬邑爭率錢佐費有差督幣三河孫公又大捐助並付僧如通者主之工未強半復圮于潮予大驚異曰潮日再至屢修屢圮是終不可成乎然潮波吞岸濱江不宜橋也盍徙入百餘步相其地蓋兩山之麓相峽于道若有待者為文告于馮夷移所建石改建其地始今年四月之朔日告成于秋四閱月計為工凡幾糜金凡幾下累趾捲石為甃高五丈有奇廣二丈餘東西長各五丈有奇規制比舊更飭頗稱堅好行人胥慶先是改建之日有敝衣道人乞食工所食既道人曰此萬年橋也道人忽不見人並異之至是橋成

里人遂以萬
年名橋云

石函橋 夢梁錄錢塘尉司西水磨頭曰石函橋又

呼西石頭橋神州古史考白公錢塘湖石函記設

石函南筧蓄洩之法既備

郭祥正白公石函橋詩
開函測淺深啓閉以時

均欲識白公惠堂勒翠珉董嗣杲石函橋詩函
開函閉管年豐白傳能方夏禹功湖石記埋泥蘇
裡斗門字蝕水花中犁平阡陌猶春雨船載笙
歌自晚風過倚暮闌懷古往月明無奈瀑聲空

溜水橋 成化杭州府志霍山路西西湖游覽志洩

湖水以入下湖可通新河壩

九曲昭慶橋 咸淳臨安志原係小渡咸淳六年朔

建

廣濟橋 萬曆杭州府志昭慶寺前

羊坊橋 成化杭州府志石函橋北西湖游覽志宋

時滌羊之所也有酒庫瓦子在焉其西為古柳林

斷橋 武林舊事又名段家橋西湖游覽志本名寶

祐橋自唐時呼為斷橋張祐詩斷家橋蘇合以孤

山之路至此而斷故名

董嗣杲斷橋詩鱗輟青驄
驟晚風柳絲翠泉石關紅

彩篙刺水停飛鷁華表侵雲截臥虹杖履誰歸瀛
嶼去笙歌自補玉壺空重招張祐商新詠不與當
時蘇合同洪丞斷橋閒望詩聞予步上斷橋頭到
眼無窮勝景收細柳纖烟絲易滑青屏拂鳥影難
留斜拖一道裙腰遠橫看十尋鏡面浮
投老近來志俗累春懷道客舊風流

涵碧橋 萬歷杭州府志孤山路中

陳虎佐重修涵碧橋記兩越之

郡杭為大附郭之勝又得西湖馬湖之西南地益
嘉勝橋曰涵碧寺曰孤山亘波心之百丈矗雲表
於千仞三春樂遊四民萃止惜橋非葺寺俟將歷
居者藉乎茂草行者病乎濡足予乃同太守空學
戚君綸籌茲既壞之址涓吉肇事決日而畢觀虹
天矯而欲飛鶴翔翔以始歸冠蓋利往坎富攸濟
萬目以之改觀千峰于馬爭氣成樂其成且將圖
以歸好事者別作五言律詩一章章四韻刻於他

石率大雅
考和之

處士橋 成化杭州府志在孤山林和靖故居前

郭祥

正林和靖橋詩不作市朝客甘為
漁釣翁柴門危徑斷猶喜一橋通

西陵橋 西湖百咏在孤山西即古之西村喚渡處

武林舊事又名西林又名西泠又名西村

萬天民
元夕西

陵橋觀月詩年頭半月雪漫漫養就姮娥月一團
老子今宵奇絕處西陵橋上獨凭闌董嗣杲西林
橋詩水竹雲山拱畫圖因懷喚渡想東都雨遺晴
竦銜西照風過春船入裡湖闌曲祇供遊子凭林
間今有隱人無隔牆莫是神仙宅紅白梅花五百
株祝時泰西泠橋夕泛詩春游不奈晚鐘催路轉

西冷一棹回倦鳥遊人還選樹歸雲無上自成堆
半林紅照斜光映隔岸青山倒影來餘興肯隨明
月盡柳亭燈火夜樽閒高應冕西冷橋夕泛詩興
到西冷已暮鴉猶扶秦醉泛仙槎青山半掩夕陽
寺白鳥低飛烟水家橋斷石分蒼蘚出湖虛雲掛
柳絲斜滄浪曲盡情無限歸向桃源數落花蕭士
璘月夜西冷橋詩霧鬢烟鬢逐處嬌輕風著面
月初消月明故國三十里人在西冷第一橋

外六橋 西湖月觀堤南一橋曰映波對西岸六橋

舊有旌德觀先賢堂虛舟雪錦二亭祀許由而下
四十人曰仰高祠二橋曰鎖瀾對西岸五橋舊有
湖山堂前擁雙塔後植兩峰四望洲回浦合三賢

堂祀白蕪林三公三橋曰望山斜對西岸四橋水

曰花港舊有雪江草堂四橋曰歷堤對西岸第三

橋舊有崇真道院石臺籠燈以照夜船有水仙王

廟一名龍王祠以樂天和靖子瞻附祀兩廡井曰

薦菊取蕪詩一盞寒泉薦秋菊五橋曰東浦對西

岸第二橋六橋曰跨虹斜對西岸第一橋稍北為

西冷橋

高得賜六橋烟柳詩畫橋六曲繞湖頭最愛晴烟柳上浮淺水籠烟橫曉靄微風薰

煖弄輕柔金梭隱見聞黃鳥錦纜紫紆出綵舟偏倚赤欄頰注目為憐張緒舊風流

裏六橋 七修類藁正德間知府楊孟瑛開復一帶
西岸亦作六橋西湖月觀第一橋近淨空院玉泉
之水出焉曰環壁西通耿家埠第二橋金沙灘之
水出焉題曰流金西通麴院路游靈竺者停橈其
間第三橋近龍潭有時祥光浮水曰卧龍西通茅
家埠第四橋遠丁家山而東沿堤屈曲蒼翠掩映
題曰隱秀西通花家園第五橋西挹高峰舊有三
賢祠題曰景行西通麥嶺路第六橋從定香橋而

入近發祥寺虎跑珍珠二泉之水出焉曰濬源

玉帶橋 在金沙港雍正九年總督臣李衛欲通裡

六橋之路築堤六十三丈中建石橋覆亭于上遠

矚山翠平挹湖波中為三洞環如玉帶故名

定香橋 名勝志在赤山埠江干行旅所必由其水

曲為浴鵲灣元張伯雨構有亭軒于此

袁公橋 成化杭州府志舊先賢堂前

東行春橋 西湖游覽志宋時為左軍教場有馬三

寶墓至元十五年掘發之得鐵券一題曰雁門馬
氏葬橫衝橋始知行春橋乃橫衝橋也

西行春橋 咸淳臨安志九里松左軍教場大路

經郇

郇行春橋詩岐路行春側亭臺一畝宮雨前蕉牘
綠霜後粟漆紅種芋青晶飯移蔬玉指葱頻來雞
犬吠此地
葛天翁

集慶寺橋 萬歷杭州府志集慶寺北

合澗橋 武林舊事靈竺二山之水會合于此名勝

志北澗自靈隱而下南澗自天竺而下合流于此

號為泉源

郭祥正合澗橋詩兩澗飛來處雲深合一橋更無歧路別從此入烟霄張昱合

澗橋詩兩澗何年合一橋終日閒桃花逐流水未覺是人間貝瓊合澗橋詩橫水東西落幽人日夜

過宛宛龍赴壑隱隱鶴填河緬想赤城路
潛通滄海波遠公不送客芳草澗邊多

回龍橋 西湖游覽志在龍泓洞之左

瀑雷橋 萬歷杭州府志冷泉亭下

歸隱橋 咸淳臨安志在龍井路口因東坡易名曰

過溪

楊傑歸隱橋詩道人從此歸影不
入塵市端坐笑浮雲往來太多事

謹按蘓軾詩序云辨才師退居龍井不復出入軾
往見之常出至風篁嶺左右曰遠公過虎溪矣因

作亭嶺上名曰過
溪橋當由此易名

新河橋 成化杭州府志麥嶺口西湖游覽志路入

西山橋下為新河坊口乃張士誠所開

永福橋 西湖游覽志俗稱飲馬橋吳越宋時皆牧
馬于此

惠因橋 湖山勝槩秦少游游龍井記所謂濯足于
惠因即此

長橋 咸淳臨安志在淨慈寺東七修類葉西湖南

入路宋名雙投橋西湖游覽志長橋頗短而以長
名者先時水口甚濶橋分三門有亭臨之壯麗特
甚其後浸淫填塞兩旁皆民居其南舊有澄水閘
南閘宋時錢湖門內諸山之水分為三道雨甚則
侵濁西湖故穿城至海子口流出省馬院後為水
渠引至澄水閘入湖而南閘者亦分方家峪之水

引歸長橋謂之三渠皆有石橋今湮廢

郭詳正長橋詩橋短

故名長路穿雲水鄉游人欲歸去濯足弄殘陽董
嗣杲長橋詩南港虛名架石梁寺樓鐘鼓幾斜陽

相傳亭跨危基壯誰見橋橫古道長澄水闌荒沙
草碧清波門近市塵黃鳳凰山在闌干外玉抹烟

屏鷺

一行

學士橋 西湖游覽志自清波門過流福水橋瀕
湖為學士橋當宋聚景園前蓋城中鐵冶嶺諸山
之水出錢湖門委輸于西湖者必經橋下大小岐
派若夾字然故稱夾字港港長九十六丈後人訛
為學士港橋久廢郡人王奩捐貲重建題其橋曰
學士橋蓋從郡人稱名之便也

小溜水橋 西湖游覽志俗稱水磨頭其下為棕毛

塲

得仙橋 西谿梵隱志宋紹興間有老翁朱姓者不

火食能前知脩然坐橋而化橋跨小澗以仙翁得

名

釋大善得仙橋詩昔人坐此昇仙去此地空遺
得勝橋溪下白雲常漱雪樹頭清響自吟潮秋

風歲歲燒丹火空徑時時長藥苗一
卷祕書留不識至今傳誦作歌謠

普寧橋 普明寺志在寺後東北即舊所謂烏盆橋

也釋淨初募修更今名

金橋 西谿百咏在西谿市北宋建炎間金四將軍

為先鋒從張伯英陣亡其妻西谿人歸守祖居捐

金建橋為夫作冥福故鄉人稱曰金四媽橋橋下

垂楊獨盛

釋大善金橋柳詩為布虹梁勇武臣沿堤弱柳過橋春挂梢斜月偏留客啞影

游魚不畏人枝上杜鵑啼戰血葉間花絮憶閨貞金橋姓氏依然在忠烈千秋似隔晨

左家橋 西湖游覽志北有春融樓謂之北外庫

望佛橋 萬曆杭州府志左侯祠東妙行寺南

歸錦橋 成化杭州府志左家橋北西湖游覽志俗

稱賣魚橋

梭櫓橋 錢塘縣志歸錦橋北

女兒橋 西湖游覽志在瓜山廟北地鄰餘杭相傳

吳越王女兒建

吳介還河渚詩雞鳴村上雨瀟瀟
竹覆青溪綠不消千里歸來驚歲

晚斜暉猶
照女兒橋

仁和縣

城外
關梁

南關 南關樞事書在仁和似蘭隅

詳見樞
稅公署

北關 北新關志仁和芳林鄉附關有橋曰北新故

以名關

詳見權稅公署

杭州府志北新橋在香積寺北明

弘治辛酉鎮守太監麥秀監察御史陳銓重建

李昊

重建北新橋記出杭之武林門北踰十里有橋跨河東西名曰北新肇建于宋嘉定癸未洪武初嘗加修葺自始迄今歲久傾圮水浮陸走者咸以為病鎮守太監麥公秀監察御史陳公銓相與謀曰是橋久壞盍思所以撤而新之于是擇地違舊基以北數十步而近鳩工廣材措畫廩餼始事于弘治辛酉夏四月冬十二月而告成橋之高二丈五尺去一尺以為廣袤則十倍于廣之數下為三洞以通舟楫其廣皆出入五丈之間上為扶欄際橋兩趾既成而高大壯固視昔有加焉

鳳山關南關權事書在似蘭隅四畝

詳見權稅

東新關 北新關志在一都七邑

詳見
權稅

萬歷杭州府

志東新橋在興福橋東

朱南杰東新橋值雪詩間
闕入帝鄉飛雪斷羈腸天

地皆明白山川忽老蒼柳眉遮舊影梅
額上新粒客裡意先務湖邊問短航

打鐵關 北新關志在太平鄉

詳見
權稅

拱宸橋 錢塘縣志在北新關外聖湖苕川之水交

匯于關河由此宣洩明崇禎四年舉人祝華封等

募建

國朝順治辛卯圮康熙辛卯里人呈請興復布政使段

志熙倡率捐修雲林寺僧慧輅募助始事于甲午

二月竣工于丁酉十二月橋長三十四丈五尺高

四丈八尺未久漸至漏裂歆傾雍正四年總督臣

李衛率屬捐俸重修視舊加厚二尺加濶二尺有

餘自春及冬工成堅固完好民稱利涉馬李衛重建拱宸

聖天子愛惠橋碑記當今元元凡地方攸繫百廢具興如海塘湖堤

簡命特加修築萬世永賴子奉來撫茲土事無鉅細靡不推廣

皇仁曲加區畫閱武林記載有拱宸橋者肇自前明建
于開外橫跨大河地形水勢關繫會城術家咸謂

杭乃離龍入首而坎水直瀉不能成既濟之功藉
茲闢鎖以制祝融庶有成效後經傾圮垂六十年
至康熙甲午始克鳩工重建數載以來民免胥溺
火無大災斯橋之利亦信而有徵矣乃落成未及
一紀而漏裂堪虞若不急為規畫勢必至毀棄前
功乙巳秋士民曾籌工庀材既以費用浩繁作而
復輟此僧人浮木特以重修請也夫興廢舉墜收
民者事也當此輟擊肩摩之地行李往來固貴利
涉矧其可以攔截逝水漸使氣結沙迴捍災禦患
胡可一任傾頽不為先事之謀則欲觀厥成固須
共襄其美與諸僚采相為鼓勵分俸捐助賴謹厚
善士寔心肩任諸工用命罔敢欺貳寔以石灰加
以寬厚規模弘整堅寔完好以長至前落成此仰
體

聖慈登吾民於衽席之一端未敢自以為功亦以誌樂
利之休垂久遠之績勿忘前勞永圖鞏固云爾是

為記

普濟橋 杭州府志俗名炭橋在鳳山弔橋南

渾水閘橋 咸淳臨安志便門外養團前

嘉會橋 嘉靖仁和縣志通泥路大街宋時有嘉會

門故名西湖游覽志橋通貼沙河之水入城貼沙

河一名裡沙河舟筏所經北抵艮山門者

大通橋 萬曆杭州府志去城一里通大路

四板橋 嘉靖仁和縣志去城東北一里今改石橋

吳農祥四板橋記杭城清泰門郭外不一二里有
四板關江水入城河大道也關有橋近圮僧聖基
慨然思修復已壘石成柱獨無巨石為函蓋艱于
費且止里賢王君聖如謂僧若試營我為若成斯
事約曰某日予來則斯橋且成矣至日聖基具板
幹載繩索戒工徒督匠石而王君已採巨石至觀
者色喜工者邪許輦至而所輦巨石千鈞失勢墮
江水中江水迅疾石下隨流而沒聖基嘆息曰茲
事幸有善人得終始吾願今石一去永無望矣號
于江曰江神有靈尚輔相予七日夜則石湧起所
沒處若有物憑之者試以屨夫數十人汨而戴之
則輕如一葉隨手上岸于是眾雜然歡曰江果有
神橋屹然為通津要途吾友錢君喬尚為余道此
事曰是不可以無記橋創于康熙辛酉十一月戊
子壬戌六
月朔日

海鮮橋

明一統志在宋大內其石有魚蝦花草形

狀故名

蘭橋

咸淳臨安志艮山門外仁和尉司前

無星橋

成化杭州府志艮山門外嘉靖仁和縣志昔居

民有俞姓者因目上星後目愈故建橋以無星名

丁橋

武林紀事丁蘭故居在艮山門外三十六里

地名丁橋

興福橋

成化杭州府志舊名潮王橋德勝橋東

餘杭橋 西湖游覽志宋端平二年建東通猪園壩其時有北郭稅務

得勝橋 明一統志在府城北八里西湖游覽志舊名堰橋宋韓世忠掩擊苗劉于此故人稱為得勝寶慶橋 西湖游覽志舊名黑橋成化杭州府志夾城巷東北洪武初建成化十年重修

江漲橋 夢梁錄江漲稅務東曰江漲橋西湖游覽志在歸錦橋北元末開河構木而渡明宣德間僧

覺澂改建石橋嘉靖間圯今復建

通市橋 西湖游覽志在江漲橋南明宣德間僧覺

澂建

倉橋 萬厯杭州府志仁和倉後

許應元倉橋記仁和倉去縣治十五

里倉後小河有跌馬橋由小河出官河則四達諸鄉諸鄉民輸租舟自大河入次橋下上河許由倉大道數步抵倉下成化間橋圯河淤塞香積浮圖芟牧其中而大道為民姚氏屋更七十年轉餽數主民租乃自闌入行既回遠而闌法日一再故舟鱗比不得入常後期嘉靖間闌中桑棊判杭謂國重漕而入賦淹速視河通塞橋不建舊道終廢民病不已且闕者衡止數丈縱為弓三千疏而決之

甚易乃與郡守李冕上議御史令縣
尹陳中視春鋪橋成道通民稱便焉

仁壽橋 萬曆温州府志胡家壩北永樂九年重建

橫港橋 杭州府志永陳橋北明天順間里人李致

中重建

南馬村橋 杭州府志青龍橋北明天順四年里人

李致良陸孟恭改建石橋

青雲橋 成化杭州府志舊名豆腐橋里人大理寺

卿夏時正登進士更今名成化二年里人夏孟儒

重建

餘慶橋 成化杭州府志舊名後丁橋成化十年里人夏孟儒重建更今名

上粟橋 嘉靖仁和縣志正統初歲飢里人夏誠出粟二十餘斛賑濟一方旌表其門是年更新此橋故以上粟名之

中興永安橋 杭州府志上陡門西宋紹興丁巳耆

民陳德誠等重建

馮檝重修中興永安橋記府北十餘里號北關鎮高賈駢集物

貨輻萃公私出納與城中相若車馳轂擊無間晝
夜而河流阻乎其間舊有三石橋行者賴以獲濟
其最大者曰永安建中靖國初僧舜欽募緣成之
積有歲年日就墮損經由不敢俯視慮其覆墜者
艾陳德誠余慶施宗宥等及僧梵海結約募緣共
成其事自紹興丁巳仲秋鳩工聚材至次年戊午
初春告成用錢四千餘
緡號曰中興永安橋

桐扣橋 仁和縣志在臨平山西山因張華取桐魚
扣石鼓而名橋亦以此名

桂芳橋 明一統志在府城東北六十里舊名茅橋
宋里人徐宣與弟寅垓同太學生數十人伏闕上書

攻賈似道後昆季皆第進士玆居榜首鄉人榮之
因更名桂芳

通濟橋 杭州府志在塘棲鎮一名碧天橋俗名長
橋

星橋 王穉登客越志塘棲河濶百尺隔河人聲不
相聞星橋如白虹沉沉下飲波上

彌陀橋 萬歷杭州府志在五行村北洪武九年重
建

豐年長壽橋 成化杭州府志亭溪村東南洪武十三年重建

海寧縣

清平橋 寧誌備考在縣南八步與鼓樓相對舊名三思杭州府志又名平政明萬曆己酉縣令郭一輪改為板橋

勝安橋 嘉靖浙江通志舊名烏鵲橋在縣治東寧誌備考宋嘉泰四年重建一名昇仙

行春橋 萬曆杭州府志縣西二百一十九步下跨
市河元大德二年建

海昌橋 明一統志在縣治東隋大業初建

醋坊橋 咸淳臨安志在縣西北海寧縣志宋隆興
間建以醋庫得名

安國寺橋 海寧縣志在縣西北三百五十八步跨
放生池元至正三年建

光華亭橋 寧誌備考縣北一里一百三十一步跨

二十五里塘河舊建亭三間于橋上明正德年間

火燬今止存橋

葉蔭題光華亭詩畫棟朱簷勢翼然昂新氣象冠山川鶯黃楊柳浮

春曉鴨綠蒼波送客船輪奐不妨農事日風光好近麥秋天佐君治簡有餘暇杯酒從教盡日傳

惠康橋 咸淳臨安志在縣東北海寧縣志宋嘉泰

四年建

傅家橋 咸淳臨安志在縣西北海寧縣志元至正

三年建

狀元坊橋 成化杭州府志宋張九成所居因名

聚秀橋 海寧縣志在密家灣對水門由聚秀而北
有倪家徐婆馮家板等橋

斜橋 成化杭州府志縣東北二十里海寧縣志明
永樂五年重建

國朝康熙年間移建于舊址之東

景轉橋 海寧縣志在審山南麓東通黃道湖

崇敬橋 成化杭州府志縣東四十八里袁花市海
寧縣志元延祐二年建

環秀橋 峽川志縣東北五十八里即今三環橋在
洛塘河流入硤石湖亦名塘橋

國朝順治八年改建

紫微橋 峽川志畧在縣東北六十里下跨硤石市
河元大德七年建謂紫微山前寺橋也俗謂山後
紫微泉上小石橋者誤

國朝雍正八年里人修

崇惠橋 峽川志在縣東北六十里跨硤石市河下

臨崇惠湖通東西兩山大路通長水塘明洪武三

十五年建

王道橋 杭州府志袁花鎮北達嘉興

廣濟橋 萬歷杭州府志在金牛山下

楊潘廣濟橋詩控扼金牛

勢青山面面扶居人投足易功百鄭乘輿

高橋 海寧縣志在黃灣市

楊潘高橋詩突兀橫前浦排風野墅舳夕陽虹

影動踏落海門潮

萬家渡橋 海寧縣志在縣西北二十里

仙鹿橋 海寧縣志在縣西北二十四里

國朝康熙十二年建里人見一鹿絕塵而奔因名

虹橋 成化杭州府志縣西二十五里地名長安

橋亘如虹因名

吳奎虹橋夜月詩渴虹飲澗不曾
收化作飛梁臥碧流銀漢水分天

上下白蓮花出海東頭鶴歸華表吹笙夜龍獻明
珠解珮秋載酒長安三十里醉呼鸚鵡更陪舟

莊婆堰橋 海寧縣志在縣西北三十里跨辛江塘

河元至大二年建

富陽縣

東觀山關 富陽縣志在縣東一百餘步明洪武十
九年立杭州衛撥軍更守後革尋因夜警不靖宣
德十年知縣吳堂奏分東梓邏卒十名更
守仍革

富新關 南關榷事書在縣南門外

詳見
榷稅

恩波橋 萬曆杭州府志在縣西三百步富陽縣志
舊名莧浦宋太平興國九年圯治平二年邑人孫
道長重建改名通濟紹興四年令王褒重修更名

政惠五年壞于洪水慶元元年令蔡幾屬邑人謝
震募新之復名通濟嘉定間令程玘于橋下放生
改名恩波元至正甲午又圯明洪武十六年邑人
姚福緣捐貲募建蓋屋一十七間宣德十年知縣
吳堂重建橋屋嘉靖四十四年令施陽得以石易
木整固閔壯左右夾以石闌為一邑之冠濶二丈
餘長一百餘步里民周柯王輔等協成之易名永

濟

陳延齡恩波橋詩富春勝趣錦一幅四面好山
青簇簇浙江逶迤東走來千里平鋪鴨頭綠老

夫作官從此游恩波閣道如虹浮凭闌夜半玩星
斗會稽分野天南頭是時萬籟寂不作惟見翱翔
雙白鶴赤松正與董雙成坐駕雲軒窮碧落素娥
海上來相迎玉笙度曲鸞鳳鳴高音媪媪洗人耳
驚起葛翁仙夢醒走着霓衣忙草草開門誤踢神
爐倒丹光飛起掩月明虎嘯龍吟天地老陳子淵
思波橋詩浙江東來第一橋虹霓跨海出雲霄欄
干咫尺衝牛斗閣道參差接市朝山水遠城春作
漲江濤入海夜通潮明年許
我重題柱又向中流放去橈

秦望橋 咸淳臨安志在縣治西北隅地里志云秦
始皇嘗升此橋故名

望仙橋 明一統志在縣南三里相傳昔董雙成白

日飛昇人皆於此望之遂名富陽縣志明洪武十
九年里人劉智等重建

太平橋 成化杭州府志縣西三里通江潮富陽縣
志明萬厯間圯邑人周吉臨重建

國朝初年橋又圯僧雲臺募建

榮華橋 萬厯杭州府志縣西五里舊名牛家橋正
統四年令吳堂重修因里有陳觀暨厥子冕聯登
科第扁今名

新橋 咸淳臨安志在縣北十里上有亭名安仁萬

歷杭州府志宋淳熙甲辰縣尉林端厚重建

廉師巨新

橋記去縣治十里跨溪為梁名曰新橋而敞寔甚
 蓋自淳熙辛丑巨浸之後支撐蕩兀風摧雨剝溪
 湍潮汎相與蕩摩馬牛擔車睥睨而不前行客過
 之顧視愕眙擲揄咄嗟謂斯民宜有主張是者適
 歲薦飢公私俱困無敢議此越甲辰既有秋乃克
 講究尉平陽林公寔始掾邑慨焉請任是事爰延
 致邑之儒先鄉貢進士元復暨縣學經諭謝邦寵
 醫士王善時為之謀里居之產各捐私錢三十萬
 仍率其一鄉之善視力多寡以序相贊成之且謂
 昔者純以木則燥濕不齊用不堅入鑿石北山極
 梁偃負大小悉具斲長松銳其首植土中數尺荷
 杵椎之二十餘尺凡八列用木幾千章墨鋸平其

本壘石其上而楹立焉謂若是可以支數百年而舊材之善者尚可移之以修他橋也經始于是年冬十月告成于明年春二月值余秩滿去林公貽書丐記因為之書富陽縣志明崇

禎九年橋圯十一年邑人俞昌言重建

中屠震新橋夜泊詩

樹雲低蔭石橋邊宿鳥驚飛隨露蟬
隔岸有風潮未落一燈猶在拗習船

青雲橋 成化杭州府志縣西十里元大德間里人

徐學錄中舉題橋因名

白鶴橋 成化杭州府志縣東二十里世傳赤松子

駕鶴于此昇仙元至正間令馮祥重修

合溪橋 富陽縣志在縣北二十五里開化村汪家堰千家村二水合流故名久圯

國朝康熙二十一年里人邵士莊重修

洪濟橋 杭州府志在縣東南四十里靈峰村元天

歷中里人施岳山鑿石為橋富陽縣志元末燬于

兵明洪武初施叔拳架以木永樂間僧興易以磚

皆不久而圯正統四年知縣吳堂重建以石廣一

丈六尺長三倍之

俞鴈重建洪濟橋記漁溪之水發源既遠奔流側注湍急深險

至與江會其勢始平距江不一里而近民居兩岸
非橋莫能渡天歷中里人施岳山鑿石為橋名曰
洪濟不久而圯正統己未春縣令吳侯堂勸農臨
茲見民病涉因慨嘆曰此吾責也即以建橋之事
屬之趙公自安侯仍捐俸為倡眾皆和之于是購
匠募工先開厥址使寬以殺水勢然後伐木架梁
貫穿迴幹擇石累萬魚鱗密次石既相貼乃除木
架而橋穹然橫亘于滄波之上矣是役也經始于
是年之二月至九月而落成廣一丈六尺修三倍
于廣之數其高則出于民居可以遠眺大江俯接
景物當潮平水漲之時帆檣來集鷗鷺下上不特
洪濟于民而且為鄉之偉觀矣侯以膺熟知顛末
命紀其寔以貽
後人故記之

瓜橋 萬厯杭州府志縣南五十五里感化村世傳

孫鍾種瓜于此

廣惠橋 萬曆杭州府志縣西馴雉村舊名蚩綱歲
久圯邑士何永年重建

石頭灣渡 富陽縣志在縣東一百五十步即觀山
渡縣隸十鄉四居江北六居江南凡為津五惟是
渡往來者多初民間自渡宋紹興間中人張氏創
列買撲錢足舟滿乃始離岸渡者苦之甚至覆溺
進士謝安頤移書弗聽遂陳于府守韓尚書仲通

為奏罷未幾貴戚復擅之為害尤盛安頤乃叩闕
投匭劄下版曹大書鏤榜永不許陳乞買撲任民
私渡嘉泰中權要又請于府府密諮訪縣令陳冕
國具述始末申詳諸司其說始寢

下口渡 富陽縣志在縣南二百五十步江濶五里
一百二十六步今南門沙洲是也故又名南門渡

范成大下口渡詩不到江湖恰五年
歛山青繞屋頭邊富春渡口閒
舒目落日孤舟浪拍天

浙江通志卷三十三

欽定四庫全書

浙江通志卷三十四

闕梁

杭州府

下

餘杭縣

通濟橋 明一統志在縣治東漢熹平中建餘杭縣志舊名隆興五代時錢武肅王重建改名安鎮宋紹興十二年復建改今名以木為梁元至正十八

年山寇縱火焚之明洪武元年縣令魏本初重建
通易以石袤二十五丈餘廣三丈五尺餘甲於境
內俗呼大橋正統間縣丞邱熙岳加石闌於兩旁
國朝康熙五年十一月知縣宋士吉重修

萬歲橋

萬歷杭州府志縣東半里按察分司之側

張公橋

咸淳臨安志在南渠河上餘抗風土記云

後漢末邑人張儼好學有賢德不樂榮利嘗種匏
以自給大者可容粟數斗以所市錢為橋俗呼葫

蘆橋杭州府志宋天聖初邑人支贊支佑重建又
名支家橋明萬厯間知縣戴日強重建

蓮花橋 萬厯杭州府志縣北半里東漢熹平二年
里人建跨濠池通鋪路每夏月池蓮盛開故名餘
杭縣志宋淳祐間重建

部伍橋 成化杭州府志縣東三里橋北有部伍亭
因名餘杭縣志跨餘杭塘分南渠河水入港通舟
楫吳凌統募民兵立部伍於此以禦寇故名後圯

宋咸淳五年重建明成化間知縣武英修正德四
年水勢傾壞主簿陳祥復建

文昌橋

餘杭縣志在縣東四里跨南渠河明萬曆

二十年令舒嘉兆水中築臺建文昌閣橋翼兩側

通仙橋

大滌洞天記在餘杭入洞霄宮大路去通

真門四里宋建炎年間建舊號石門橋元大德已

亥知宮事楊清一重建

朝元橋

洞霄宮志在宮外四里俗呼為湖塘橋舊

低小每為山水所壞宋咸淳癸酉增構高廣凡二
所最大者為朝元橋

玉泉橋 大滌洞天記在東天柱嶺下俗呼為麻車
橋宋建炎間建飛玉泉由此出澗故名

鳴鳳橋 成化杭州府志去玉泉橋七十步洞霄宮
志在雲根石左俗呼為袁家橋宋建炎間建與鳴
鳳巖近故名

丁公橋 嘉靖浙江通志在縣西八里梁天監初令

丁遵建萬厯杭州府志遵為臨安令性恬淡交代
之後築室山間隱而學道為橋以濟不通

雙仙橋 洞霄宮志俗呼為雙橋頭昔郭真君與葛

仙翁倚杖對談於此故名

長橋 萬厯杭州府志縣東二十八里跨餘抗塘河
通舟楫餘抗錢塘二縣以長橋為東西兩界

元同橋 大滌洞天記在洞天福地門裏下通池水
出翠蛟亭昔元同先生與錢武肅王相度地理鑿

池駕橋故名

臨安縣

長橋 嘉靖臨安縣志在縣東三里安義鄉成化間

知縣方早經始陳猷重建

略鍾麟長橋夜月詩小舟清泛夜光淒滿載垂

虹月一溪秋影搖天飛素練晚寒滴露濕銀堤橫塘水曲隨魚出隔岸山青聽欵啼解却鷓鴣沽酒

後鐘聲隱隱度村西

國朝康熙八年洪水衝壞知縣陳提知倡募重建四十

七年復圯知縣徐永明重修戊戌又圯知縣張淑

邵重建

平政橋 咸淳臨安志在縣西北一里端平二年令

王鏐建景定壬戌令家之巽修

錦橋 咸淳臨安志在縣南二里以錢鏐名杭州府

志明崇禎間僧慧明募建石橋尋圯今土人架以

木橋

普安橋 嘉靖浙江通志在縣東三里臨安縣志宋

端平間令王鏐建

竹林橋 臨安縣志凡九水合流南北諸山夾峙而

來宋蔡君謨題為山水佳處明宣德七年主簿張

昇建知縣方早完工崇禎元年洪水壞七年高金

評修隨壞十六年鄭允珍重修

馮夢楨游天目山
記竹林橋有九洞

跨溪如虹若水漲
時如雷霆奔闕

錦山橋 咸淳臨安志在縣南三里淨土院普明大

師僧智閑建

蟠龍橋 西天目志在雙清廟前橋跨龍節關秀水

噴礪搖曳長虹恒如飲澗

馬溪橋 萬厯杭州府志縣北五里高陸鄉

集賢橋 嘉靖臨安縣志在縣東北七里谷昌鄉杭

州府志一名華龍橋

馬帶橋 杭州府志縣西一十五里福興鄉臨安縣

志武肅王妃戴氏家此歲時歸寧衛從軍馬駐焉

故名

杜塢橋 成化杭州府志縣東一十八里餘杭臨安

以此橋分東西兩界

垂虹橋

東天目志橋架兩峯白水自峰頂瀉下白

虹倒飲亘天入澗窅窅砰湃聽之神爽在觀瀑亭

數十步名曰西嶺垂虹

安希范垂虹橋詩飛流萬
丈界青茵疑決銀河瀉碧

空迸散寒光珠映日飄颻素影練含風靈源已辨
若溪出遠勢應趨震澤中支策石梁看不厭呼童
携酒入
雲叢

玉澗飛橋 臨安縣志四面皆危壁懸橋往返似飛

渡者下有玉澗泉流出瀑布

黃鼎象飛橋詩名山
勝跡赤城標度世還

元意自饒月吐寶珠開佛偈龍舒金爪渡僧橋千
間松屢聞壇靜百丈苔磯瀑布遙日暮徘徊難恐
去忽聞玉
女弄笙簫

於潛縣

千秋關 於潛縣志在寧國界

謹按千秋關即天日山西麓也朱梁乾化三年淮
南將李濤出千秋嶺攻吳越衣錦軍嶺道險狹錢
元瓘使人伐木斷淮南軍後擊之遂虜其軍宋南
渡後亦置戍守於是千秋關元至正十二年董
搏宵敗徐壽輝將項普略之兵遂復於潛而守之
賊犯千秋關引而南搏宵擊却之遂拒關以拒賊
今亦為要隘又有白汰關桐嶺關接昌化
縣界孔夫關唐舍關豪干關接孝豐縣界

縣橋 咸淳臨安志在縣西二十步咸淳四年建名

長官橋

飛來橋 名勝志四面皆峭壁危崖懸橋架空似仙

人飛駕瓊輶成化杭州府志宋時以木為之歲久

圮元皇慶間監邑巴圖爾克丹易之以石

姚鏜飛來橋詩池上

飛橋接太空白雲丹磴兩溟濛孤
筇不怕蒼苔滑可道無山著此翁

順濟橋 成化杭州府志縣西一里舊名浮溪令邵

文炳始創更名邵公橋令趙彥俊程燾相繼重建

李延忠浮溪橋記潛之水蓋發源天目合石柱之派抱邑而流曰浮溪山高水悍凌岸觸石遇霖潦浸淫洪濤稽天硠礚輒輒觀者愕立初土人徇習苟簡幸其水之縮為略約以渡稍漲溢心掉足駭溺者甚衆既而勢橫暴繼以舟或半濟摧篙折舵覆者又益衆往來者甚病前令邵君文炳始鳩材木跨溪而梁之作亭其中平夷顯敞甲寅秋泝水為菑蕩無復存浚儀趙君承其後蒞官之明年政通民和按轡溪上履遺迹而太息顧父老曰夫物莫堅於石更以石為之可乎謹曰善乃出帑廩之美募工採石無絲毫病民邑人相率輸金助作得浮屠二人屬以役事不逾年告成其袤四十尋橫二丈崇二十有七尺上為屋覆之神庑中峙步欄相屬總二十有三楹令有感於神祐名曰順濟之橋慶元元年秋八月也洪咨夔浮溪橋碑記浮溪乃吳越往來之津前令邵紫微梁而亭之趙師卿

來累以石且屋其上規制堅密前年秋洪水發諸山直北之橋盡決順濟亦壞涉者仍病焉池陽程君燾至之逾年問與客行溪上思策隆立壞如師御而重於頰氏遂一周紫微成謨醜水為走道巨植駢峙修闢旁翼袤三百二十丈廣二尋有二尺東西石梁各一星兩亭壓岸猶舊先是紫微中橋着亭亭麗於北坐挹雨天目以便游息迎湍受激亭仆而橋隨之改著於南勢相屬而不相麗異日亭或不立橋或庶保無恙若廉平有精力得敬事愛人之意視可以興利除害者不慮費而橋役甚大橋成不務為己惠又以圖堅惠遠望之淳祐十年令趙益敏與侍郎趙景緯重建

後渚橋 咸淳臨安志縣北三里今名太平橋

朱角橋

成化杭州府志縣南六里咸淳臨安志舊

名嘉泰橋

九里橋

咸淳臨安志在縣東九里後名惠政葉丞

相建

亭口橋

咸淳臨安志在縣東二十五里一名廣利

橋

橫山橋

成化杭州府志縣南五十五里洪武十七

年居民顧天驥建

玉澗橋 萬厯杭州府志縣南六十五里洪武十七
年居民顧天麟建於潛縣志後圯顧如臯等重建
印渚渡 神州古史考縣南六十里接嚴州府分水
縣界

新城縣

南津橋 咸淳臨安志縣南一里今謂之過岸橋杭
州府志宋令楊思濟建後待問趙崇佺相繼重脩
舊名登平明萬厯三年邑人通判陳永餘同鄉民

孫馳捐貲募建邑令張鷟湖出贖金助成之新城
縣志三年修改學宮知縣溫朝祚相視學南水口

無關鎖侍郎方廉集鄉人好義者出資建石橋并

築石壩

方廉南津橋記南津渡去城百步編筏為渡覆溺之患無歲無之一日友人陳別駕

率鄉名孫馳者告于曰南津上通衝嚴北抵省城
檄使往來無間風雨馳幼夫父業僅置產數畝願
為橋工助予以狀聞於邑侯鷟張君侯為相度
規畫出贖金若干鼓衆由是諸好義者各分任其
役選才幹羅繼秦袁世仰陳義董其事甫就緒而
張君摧去益陽黔菴溫君繼至毅然以尺之利病
自任而首於是橋如意焉更出贖金若干以成所
未備而橋得畢工經始於隆慶壬申夏閱歲甲戌

冬橋成橋分九墩高一丈五尺上跨石梁其長以
倍下梵椿石旁翼石岸用防衝決至是四境內外
咸就坦途昔日涉溺之患
蓋免馬橋成余為是記

塔山橋 萬厯杭州府志縣西一里弘治間耆民徐
憲創建木橋歷年修整憲之子孫任之

雙江橋 杭州府志縣東二里雙江口明萬厯七年

邑人侍郎方廉募建

方廉重建雙江橋記縣治四
而負山溪之險而雙江橋乃

松葛二水入江為一邑襟喉予嘗有志焉而役繁
力寡不能興舉今幸獲有秋會鄉之有行誼者圖
之計所助僅數橋木之半乃以狀聞於邑侯張君
侯首捐贖金率眾時普照僧丈阡者與其徒數人

以百金效義工作甫興侯以艱去武林陳君來署
邑篆召集諸宿諾者使終其事日省工役之勤情
而勸懲之間有美餘贖緩即分給餼廩衆咸感德
畏成趨事恐後不數月而橋成橋凡二洞高二十
五丈濶十有一尺長百尺有奇費約四百餘金雖
一時好義者衆而後先勸導張陳二君之功居多
馬諸治事者謂當有記不佞直
叙顛末并附捐財姓名於石

國朝康熙五年為水衝決橋半傾圯七年知縣張瓚捐
俸重修

流芳橋 萬厯杭州府志一名市橋在縣西門壕上
杭州府志今名通濟橋

莊澤橋

杭州府志縣東北三里明嘉靖間方廉募

建

自為記

開元橋

新城縣志在寧善鄉武源溪離縣五十里

國朝康熙六年邑民王裕如募建上立茶亭以濟行人

歲寒橋

明一統志縣北五里宋紹聖初建

徐評重
建歲寒

橋記新城古邑也其地四顧皆山春夏之交山或
決而為溪則洶湧散漫往往建野而松溪為甚于
元祐士申受代是邑始過松溪橋見其已敝迨兩
載而敝益甚于與闕君彥嗣邑尉王君純老狀其
事於府適真州推官張君延之權邑尉樂所聞而
指期以成於是鳩工聚材始於紹聖改元季秋丁

已終於孟冬癸巳延之屬予以名因詢父老曰何謂松溪皆曰溪昔有一松故名溪本有二復合而為一天聖中載土以為橋慶厯間始易以杭州府木但曰松溪橋非名也今名之曰歲寒云

志元至元間縣丞張世榮重修明邑人王濟累石作三洞上平以木正德乙亥邑民徐旭孫璉更易以石萬厯壬子邑宦方廉捐貲為倡縣令施宗賢發贖金及里夫助工辛未邑令張霆復捐俸終事下三月而橋成橋下深漚不測工築無所措手衆禱於溪旁廣利廟忽雨集沙漲履若平地工完漚

浸如故

趙安橋 咸淳臨安志在縣西五十五里南新鄉淳

祐三年瑞相院僧本源建石橋架屋十七間勢甚宏壯本源世傳醫瘍甚神所得酬謝輒施以造橋

昌化縣

昱嶺關 昌化縣志縣西七十里高七十五丈為徽

杭通衢有石刻江東路徽州界六字山勢險阻元

董搏霄破紅巾寇於此上有碑亭

王禕昱嶺關銘
并序昱嶺關在

抗徽之交因山為險與千秋獨松稱三關而三關莫險於昱嶺至正十六年二月劇盜自徽來犯昱嶺帥臣望風退北盜遂入關侵掠內境於潛昌化皆抗屬縣師喪衆暴鞠為盜區今江南行臺監察御史馮李沈公時為行者左右司都事受丞相命總督戎事首布書檄開諭黎庶示之恩信使與賊携送分諸軍四道而進約並會關下復遣一軍逾關而出設為疑伏截其奔衝號令堅明莫或逾越三月既望我軍抵昌化與賊屢戰乘勝追逐過車盤嶺二十八日諸軍如約會集關下即以其日收復關門盜雖有險不能以為固矣時驕將或傑驚不用命公單騎自臨安道新城度浮雲嶺趨於潛召父老慰撫之衆皆感泣請歸順自新因率民兵與大軍合據關為守聲威益揚遐邇震疊未幾徽境相繼率平矣公推忠立義以制師律昭信布德以靖民衷克綏叛徒式遏亂略宜勒銘詩用示永

世其辭曰皇元在御天清地寧孰作弗靖干我泰
平有蠱寇徒蟻聚蜂結乘間竊發構禍興孽杭徽
之交巍巍大山維天設險界山為闕其險伊何勢
勝形阻劍門陘蜀武岡鄙楚寇徒憑陵闕我闕門
我險彼據事乖理屯有偉沈公其氣浩浩乃率王
旅乃致天討兵威所臨遏迨殄殲鯨鯢虺蜮蹤消
跡潛亦有亂人昔我赤子思言載加請命効死維
時沈公思威並宣底定披攘夷視阻艱巖巖茲闕
我險我有孰猶敢闕壞我之守昔壞今完昔塞今
通僉曰匪他沈公之功公曰敢哉丞相命我丞相
之勲我居其可丞相曰噉天子明明凡茲武功厥
繇皇靈皇靈攸被與山無極紀石作詩刻在山石
謹按是嶺關地勢險阻右當歙郡之口東瞰臨安
之郊南出建德之背置闕於此蓋三郡之要會也
元至正十二年徐壽輝遣項普畧等掠徽饒信諸
州遂陷是嶺闕攻杭州董搏霄擊却之已而羣賊

復自昱嶺闕寇於潛搏霄擊之復收昱嶺闕十七年徽州為賊所破元將李克魯會軍昱嶺闕收賊兵於闕西遂復徽州既而明太祖自金陵南下寧國克徽州道昱嶺敗克魯之軍取建德路於是兩浙版圖以漸平定昱嶺信為西面之咽喉矣

長春橋 明一統志在縣治東舊名光化成化杭州

府志洪武二年知縣李質重建改今名

絳橋 萬厯杭州府志在蘆嶺鋪下余永隆建

塌水橋 萬厯杭州府志在縣西七里邑人徐涇徐

仁倡眾同建邑令黃昇記石

白牛橋 昌化縣志縣西八里許玫何珍貴率衆建

御史楊譽記石

晚溪橋 咸淳臨安志縣西九里昌化縣志一名東

清橋

巨溪橋 杭州府志縣西十五里水湍急民多溺明

邑人義官陳子猷獨建此橋

永安橋 杭州府志縣西十五里巨溪橋西亦陳子

猷建原名駱子橋吳繼良重建改今名

梯雲橋 成化杭州府志縣南三十里宋居人章鑑

兄弟聯第得名狀元留夢炎書扁

俞村橋 昌化縣志縣西南五十里宋季俞村人建

五聖橋 萬厯杭州府志縣西五十里王滿童子相

協衆同建昌化縣志後廢休寧吳繼良重建

程嘉燧臨

安山水記五聖橋路緣巖斗折下臨澄溪十餘丈路險仄高下岸間松檉璽瓏蔭溪路時出其狀有

廟閣嵌絕壁下臨岑巖橋所由名也周頌孫復修五聖橋記邑西五十里有五聖橋休寧太學生吳

繼良所復建也予按行過橋停車觀其屹峙中流儼有飛虹挿竦之勝爰詢先後為功於橋者僉謂

建自吳君而接踵於邑庠潘生之瀛此橋未復水漲則渡以舸舟至雷雨驟集萃流莫注兩岸往來濡溺比比繼良捐囊金鳩工伐石經始修復約長八尋廣二尋橋岸立五聖神奠之故因以名利濟者數十年厥後蛟挾巨浸來橋因衝裂潘生復葺之揮金益數百計刊澤被行路者彭彭焉倘有問潘生之風而興者則吳君之功德永賴以不墜矣

玉泉橋 成化杭州府志縣西南五十里下有潭澄

清故名

林村渡 昌化縣志縣西二十里舊制橋名平政後廢明洪武十年邑簿陳景中設夫船後船廢人病

涉堪村姚倫言於官復設

嘉興府

嘉興秀水
二縣附郭

瑞虹橋

至元嘉禾志在府治前

迴龍橋

萬厯秀水縣志在通越門內水西寺前

五柳橋

明一統志在縣治西又名慶豐橋秀水縣

志宋孝宗登極因田禾一莖九穗改慶豐

陸蒙老
五柳橋

詩五柳先生倦折腰孤眠千載仰風標青衫令尹
頭如雪不厭朝昏過此橋張堯同五柳橋詩為懷

陶靖節無復見其人誰
種橋邊樹猶含舊日春

百步橋

嘉興縣志在蓮花浜

張堯同百步橋詩舊址依然在荒墟未百

年還分一橋水流入錢家田

震橋

至元嘉禾志在府東二百三十五步其上飛

宇翼然俗呼為東亭橋又名虹橋宋政和間邑令

姚舜明作亭以鎮之

蹲賓橋

嘉興縣志在府治西俗名蒸餅橋

朱巽尊駕鸞湖

摧歌河頭時有浣衣人處處春流漾白蘋橋下輕舟來往疾南經娛老北蹲賓

眾安橋

弘治嘉興府志在望吳門南二十步嘉興

府圖記北有倉橋府縣倉在其兩涯

菩薩橋

樵李詩繫在秀水縣治東

張堯同菩薩橋詩片雲初出岫

南北自飛揚舊日橋
邊路猶聞履鳥香

孩兒橋

閒憲括異志嘉禾北門有孩兒橋橋欄四

角皆石刻孩兒因名歲時既久遂出為怪或夜出

叩人門戶求食或於月夜遊戲於市有膽勇者至

夜密伺果見二三石孩兒徐徐自橋而下遂大呼

以刀逐至其處斫之怪遂絕

未曩尊駕魯湖摧歌
女塙官柳遍啼鴉小

閣臨風卷幔針笑指孩兒
橋下水雨晴漂出滿城花

西亭橋

至元嘉禾志在府治西二百八十步飛閣

於上今名麗津橋

毓秀橋

弘治嘉興府志舊名長生老人橋在通越

門東北二百步

紅橋

至元嘉禾志在通越門東北一里一百步

揚公橋

嘉興府圖記揚公港有太守揚公祠祠前

有揚公橋

蔡十郎橋

嘉興縣志在澄海門北一里二十步

朱

尊駕奮湖推歌酒市茶寮總看場金風亭子
入春涼俊游改作烏蓬小蔡十郎橋低不妨

迎仙橋

至元嘉禾志在府東南四百步邑人沈學

諭仙訪之而不識後悔無及遂捐資造道堂建橋
梁而命名焉

嘉興縣 城外
關梁

宣公橋

馮李詩繫在郡城東春波門外相傳為陸

宣公建

陸蒙老宣公橋詩當時倉卒倚鴻籌清白
堪封萬戶侯陵谷已非家世遠盡橋依舊

水東流張堯同宣公橋詩祇因裴少保功業敗垂
成往往橋邊客今猶恨未平周郊宣公橋詩幾從
行處借前籌莫歎功成廣不侯自
惜歸題橋柱後年華冉冉水東流

熙春橋

嘉興縣志俗名牙前橋百貨所萃明嘉靖

中重建萬曆初重修

天馬橋

明一統志在府城東北通宋叅政呂鳴植

宅宋史云淳熙初秀州呂氏家永瓦有文樓觀車
馬人物並蒂芙蓉重英牡丹長春萱草經日不散
即此嘉興縣志今名西馬橋

駟馬橋

嘉興府志補在春波門外三里呂文懿公

子憲官太常卿家居見鄉民入市艱涉因建此橋

嘉興縣志今名東馬橋明天啓二年里人倪繼宗

修

會龍橋

嘉興縣志雙溪南瀆漢塘東注當湖水勢

浩湫議建橋溪東明嘉靖間里人張淮鳩工創建

郡守郭公名之曰會龍橋萬厯末里人錢周錢福

徵相繼重修

趙漢會龍橋夜泊詩五龍水會雙溪水龍會橋成壯百川間有達官苑寶

帶便令驅石效神鞭星攀牛斗吳中地氣吐虹
霓海上天題柱欲援司馬筆載書先泛米家船

登雲橋

弘治嘉興府志在縣東南三十四里

國朝康熙六年知縣梁冲霄重建里人陳嘉謨捐募

梁冲

霄重建登雲橋記禾郟之東曰新豐鎮其地向有巨橋三中曰中塘右曰妙峯左曰登雲登雲蓋自元至正間創造明萬曆時圯邑人顏公經營重建無何復歆於是父老合辭以請上官咸是其言亟命蘆舉是役始壬子秋訖丙辰冬五歷寒暑而橋成中洞廣四丈一如舊制準漕艘之高下左右二洞各廣二丈蓋舊制所無今增設之所以殺水之湍激也予喜是橋之成又因諸生之請故記

萬程橋

嘉興縣志在縣東白馬堰鎮明嘉靖庚申

義商曹賜謀建橋於南津乃倡捐鳩工三年未成
曹肥之遂抱石沉水衆驚援之徽商程沂韓應鯉
等咸激於義各捐助不一年落成

白苧橋 弘治嘉興府志在縣東一十里跨苧溪嘉

興府志俗呼堰橋

張堯同白苧橋詩徧隴敷青綠
桑麻共幾家滿城羅綺子應笑

不栽
花

鶴道橋 嘉興縣志徐家墳後

國朝康熙甲子重建

槁李橋

槁李詩繫在嘉興治東五十里入平湖界

王穉登槁李橋步月詩澤國菰蘆色星橋槁李名
亂楓丹染寺高柳碧縈城月白虹蜺卧天寒駟馬

行越姬歌並起
一半採蓮聲

秀水縣

城外
關梁

五龍橋

秀水縣志澄海門外鴛鴦湖

潦波橋

萬厯秀水縣志一名雙湖橋在縣南二里

半

竹橋

弘治嘉興府志在縣西三里

西麗橋 至元嘉禾志在縣西南二里秀水縣志明

崇禎癸未知縣李向中重建

端平橋 秀水縣志在縣北三里

國朝順治年重建

北麗橋 嘉興府圖記在望吳門外相傳秀水在橋

東天和景明水光五色秀士見之多擢第選人見

之輒美遷常人見之亦獲福利

國朝順治中知縣孫繼儒重建

朱彞尊駕鸞湖權歌青粉墻低望裏遙紅泥亭

子柳千條卽船但送東
流水西麗橋來北麗橋

迎春橋

弘治嘉興府志一名秋涇橋在縣東北三

里半秀水縣志明崇禎初重建

朱晏尊鴛鴦湖推
歌秋涇極望水平

堤歷歷杉青古岡西夜半嘔
啞柔槽發亭前燈火落帆齊

桃花廟橋

嘉興府志補在澄海門外七里世傳里

人多種桃名桃花里橋亦由名

涇橋

嘉興府志在縣北十五里

許恂如涇橋詩涇
橋蜿蜒控龍湫涇

水遙連笠澤流回首闔閭
遺恨處半規新月似純鈞

謹按袁志涇水在五里亭北吳王闔閭與越戰純鈎傷指即此舊志作金橋者悞

百步橋

秀水縣志縣北六里

朱彝尊駕鸞湖樵歌百步橋南解纜初香

醪五木隔年儲不須合路尋魚鮮俱向分湖問蟹胥

壽香橋

朱彝尊駕鸞湖樵歌注城北王江涇有射

襄橋俗訛為壽香橋即射襄城故址

朱彝尊駕鸞湖樵歌踞地

垂揚絮未飄蘭舟上已後除遙射襄城北南風起直到吳江第四橋

餘慶橋

嘉興府志補在縣南三十里宋天聖五年

餘慶大佛寺僧文受建故名明正統初僧智圓重

修

問松橋

嘉興府志補在縣南三十六里古傳南軍

殺伐至此問松樹云前不可去已松為點頭橋亦

隨斷軍不得渡而止故名

許恂如問松橋詩垂虹
蜿蜿水溶溶聳壑驚看

百尺松忽解點頭軍散
去論功應晉大夫封

嘉善縣

熙寧橋

弘治嘉興府志在縣西五十步萬厯嘉善

縣志俗稱賣魚橋跨伍子塘嘉善縣志宋熙寧間

建

國朝康熙壬子邑人柯維楨郁喬郁廣重建

青龍橋 萬曆嘉善縣志書院前本名通濟橋萬曆

中改修稱思賢橋

係一元青龍橋詩石梁無病涉
杖履每相逢昔見橫空電今看

跨水龍倪璣青龍橋詩萬里乘風雲遠
跨滄江上野水映長衢行人自來往

永豐橋 弘治嘉興府志在縣東一里今名王真橋

萬曆嘉善縣志隆慶六年醫生錢曉重建俗稱東

亭橋跨西苕蒲涇口後陸鳴重修

吉祥橋 正德嘉善縣志元至正間有張巨山者貲

雄一鄉生子曰巨森年十八喑啞不能言一日僧

募緣建橋過其家巨山給曰問吾子欲何為僧即

詣其子問之忽應曰此橋吾家當獨成巨山喜乃

捐貲建橋名曰吉祥巨森由是能言萬曆嘉善縣

志明正德中朱衮重修孫恂吉祥橋詩架海為梁
事若何分明神劍斫蛟鼉

光涵半壁初三後影破連環二分過玉蝀橫秋浦
宿雨金猊墟霧散晴波憑誰移向高空外借與天

孫夜

渡河

梅谷橋 萬厯嘉善縣志今為城濠板橋江古建吉

號梅谷故名築城時適在濠上故撤其中易以板

嘉善縣志俗呼江家橋

華嚴橋 樵李詩繫在嘉善北門外俗稱虎塔車橋

萬厯嘉善縣志洪武三年陸安三建弘治中里人

諸政重修 孫恂華嚴橋詩黃昏溪上寂無喧漁艇
歸來競後先風偃荻花軟醉笠雨昏江

樹濕吹烟甕頭綠蠟時時滿船尾金鱗筒
筒鮮不似姑蘇愁絕夜烏啼月落晚霜天

登豐橋 正德嘉善縣志在便民倉前俗名大倉橋

景泰四年建

見龍橋 萬曆嘉善縣志在南門外濠上萬曆二年

知縣李仕華建

盛唐建見龍橋記嘉善號澤國環城皆水各門俱有木梁通往來獨

南門外則大通渠也商賈帆檣旦暮鱗集達官貴室樓船金鼓相望激易地屢修屢易歲甲戌邑

侯李仕華來蒞茲土邑人以病沒告公蹙然乃召居民徐鶴田軾沈林錢汝山四人親賜卮酒俾任

厥事以耆老王子行董率之募鄉之好義者隨力協濟由是士庶欣然各捐貲以助事始於秋八月

朔至明年正月落成於是居民咸曰橋成公之惠也蓋命之名以識不忘乃刻曰見龍橋橋之側濬

井一日龍泉井蓋公號龍田也

瑞麟橋

嘉興府志補在瑞麟鄉故名去縣治十二

里舊名東橋

文虹橋

嘉興府志補在瑞麟橋西北三里舊名虹

橋傾圮已久義民沈葵重建去故址十餘丈

呂憲文虹

橋詩瑞麟橋畔玉麟游西結文虹貫斗
牛病涉已紆十室患芳名宜使萬年留

步雲橋

萬厯嘉善縣志在三店右成化十四年沈

鏢等建

周鼎步雲橋詩孤村自成市酒幔兩三家
橋約中流壯田分別徑斜淡滄通浦漱石

井沒泥沙落日停橈處高城西望矚沈鑿步雲橋
夜泊詩石井塘隈小市廛步雲橋外蓼花鮮輕撓

載月隨風渡乍
送冥鴻過遠天

北莊橋

弘治嘉興府志在縣治北二十里萬厯嘉

善縣志嘉靖四十三年王宰重修

跨塘橋

馮李百咏考在嘉善縣西北

張堯同跨塘橋詩路接張

涇近塘連谷水長一聲
清鶴唳片月在滄浪

海鹽縣

還珠橋

嘉靖浙江通志在縣治東廣輿記一名聞

琴在伯牙臺側

朱彝尊駕鸞湖報歌勸郎滿飲黃
支岸勸郎莫聽花冠鷄聞琴橋東

海月上烏夜
村邊烏未啼

思魯橋 明一統志在縣治西南宋紹興中建廣興

記宋令魯宗道既去邑人思之故名

陳善魯橋遺
安詩肅簡曾

來宰海城一橋千載識佳名昔年耆老殷勤建今
日居人自在行黃閣竟登台鼎地春風猶想誦絃
聲花封欲問清廉政
流水中宵皓月明

惠人橋 至元嘉禾志在縣西一十步宋紹熙間縣

令李直養重建舊名淳藻海鹽縣圖經明天啟初

元樊重修

安仁橋 至元嘉禾志在縣西一里半弘治海鹽縣

志元至大年建

悅禮橋 海鹽縣圖經縣西一里四十步東西跨河

俗名廣福橋亦名倉橋

白苧橋 弘治海鹽縣志縣北八里弘治三年縣丞

徐謹重建

尚胥橋 弘治海鹽縣志縣西一十二里海鹽縣圖

經元大德三年建明萬曆四十三年知縣何杲重

修相傳橋下有老蚌大如船月夜吐珠映燭數丈

璵城橋

海鹽縣圖經在縣西一十八里宋紹興三

年建明弘治中知縣譚秀重建

張寧有記

南化城橋

海鹽縣圖經縣西三十五里明成化中

建

朱祚南化城橋記邑治西有瀦水之澤曰貢湖湖心有菴曰南化城菴左右有土堰通行旅

往來數潰地菴僧德淳暨其弟子智昂謀諸里中長者易土以石以為長久計為梁虛其中通湖水之消長以殺其勢菴之東以丈計者四十梁一十有七其西以丈計者如東之數梁一十有九以成

化巳亥夏

四月落成

西石橋 澉水志在鎮市西犒賞子庫側過橋南為

永安湖路

望湖橋 澉水志在鎮西南五里北至澉墅西通永安湖東至海岸中分水脈至錢家港入鎮市

文會橋 海鹽縣圖經縣西北三十五里明嘉靖十

九年建

錢芹文會橋記縣治西北二都舊有董家堰橋在官塘東水陸往來輻輳莫詳本始

芹自髫年即所睹見大抵興圯靡常其初官令塘長召鄉民為堰橋以濟涉其既則上下苟且每歲夏秋間風雨大作水暴漲橋倒塌民乃病涉予家近是橋世父兩涯翁每有興建志不果嘉靖庚戌

欽憲石屏胡公以督水利行縣屬縣大夫雲溪張公倡帖下僧某募緣邑中好義之士施捨有差十亦捐貲以成先志橋高三丈八尺濶一丈二尺長十八丈石砌環洞緣繞皆石欄經始於庚戌春二月工訖於冬十月名曰文會云

鳳凰橋

弘治海鹽縣志縣東北一十二里舊名馮

奧堰弘治二年縣丞徐謹勸民王孟江建改今名

石門縣

萬歲橋

至元嘉禾志在縣東北一百三十步跨運

河俗呼南橋石門縣志唐尉遲敬德建宋嘉定中

徐令起宗重建西埭燬斬令一派重修

永安橋 弘治嘉興府志在縣東北二百步俗呼北橋萬曆崇德縣志紹興初建明正德中洪令異修萬曆間圯修者低其柱數尺

國朝康熙十年重建邑紳曹庸易以石

太平橋 嘉靖浙江通志跨城南河萬曆崇德縣志俗呼平橋在萬歲橋南五十餘步正統間焦令寬重建

包角堰橋 至元嘉禾志在縣南一里正德崇德志

宋寶慶間建明正統六年重建俗呼南三里橋

國朝康熙六年邑人夏方昊督建

松老橋 正德崇德志弘治九年徐華重建萬曆崇

德縣志隆慶初朱令潤重建

彭河橋 弘治嘉興府志在縣西河五里萬曆崇德

縣志成化間沈丞讓重建嘉靖末圯萬曆己酉靳

令一派復建

崇義橋 石門縣志在學東葉鉞建

王過此橋 萬曆崇德縣志康王南渡金兵追之上

人曰王已過此故名

下馬輦橋 萬曆崇德縣志康王南渡下馬於此故

名

德芳橋 弘治嘉興府志在縣西七里昔呼為和尚

橋正德崇德志天順間俞榮建因以字名

望仙橋 弘治嘉興府志在縣西南五里

周鼎望仙橋詩望望

秦山東海邊為子青近畫欄前水寒千尺長虹卧
雲暖雙成彩鳳驚高出馬頭登晚棧低回城黛掃
秋烟歸來題柱青雲
客望重如山履坦然

東高橋

萬厯崇德縣志成化間錢浩建嘉靖間浩

孫思孝偕侄懋新築橋以濟不通今呼曰錢家橋

平湖縣

海上三關

乍浦九山補志海上三關之設始自明

嘉靖丁巳三十六年倭寇稍平乃設關固守於是

海鹽澈浦乍浦分設三關水寨在海鹽者泊白塔

港為中關在乍浦者泊西海口為下關在澉浦者
泊黃道廟為上關隆慶己巳三年革海鹽澉浦二
關止留乍浦一關

龍門橋 平湖縣志在儒學左又名儒林橋

三登橋 弘治嘉興府志在縣西一百步南北跨河
魯氏兄弟詹譽嘗先後登進士故名

梯雲橋 明一統志在縣治西一里

漢水橋 弘治嘉興府志在縣前一十步元至正間

建

望雲橋

天啓平湖縣志在縣西南二百四十二步

邑人陳日章建

凝瑞橋

在縣治前

國朝雍正八年冬知縣方以恭捐建

呂公橋

在啓元門外東北龍王堂側

國朝康熙三十二年知縣呂猶龍募建

漢異橋

平湖縣志在十七都有馮異將軍廟距橋

里許為大樹村多馮姓

廣福橋

弘治嘉興府志在縣東北二十七里平湖

縣志廣陳普照寺後知州陸子厚建

張寧重建廣福橋記廣陳

鎮其上高亢燥烈唯中界一水限南北自古嘗建橋於斯年久圯頽民病其涉普照寺僧翠峯與其徒聰偕士人具其事以告前廣德州知州陸子厚告其母王氏樂施已資二百二十兩於成化十六年七月鳩工復建斯橋於前所不終歲而成題曰廣福橋

廣濟橋

弘治嘉興府志在縣東北二十六里天啓

平湖縣志俗名寺橋在廣陳普照寺前邑人陸序

建

筠翁橋

嘉興府志補在縣東北三十里明弘治間

袁可筠鼎建鄉人德之橋亦由名

沈煉筠翁橋詩
淺水何瀾瀾厲

涉須苦匏中流拍浮者瞿瞿呼亦勞筠翁抱深隱
累石梁其舉梁成勢雄偉屹如山冠鱉參差幾百
尺凌虛控雲濤赤欄月鉤小影落魚龍逃方隅往
來通行人日滔滔寒棠免艱勸歌謡徧兒曹嘗聞
蔡君謨洛陽橫海潮又聞鄉逸士絕流遠巨艘較
翁此營作濟川俱足襄龍聲與義聞今古相爭高

繼筠橋

嘉興府志補在筠翁橋東百步可筠仲子

璉建

普濟橋

普通橋

平湖縣志俱邑人姚松石建

顧充

題姚氏橋碣浙以西當湖為巖邑東受橋李武原諸水唯鵝湖最大鵝湖疏為支流唯北津最大非石梁梁之歲歲為褰裳濡軌之患松石姚公一力建普濟普安普通三橋報義舉也其一以版築故廢矣而其孫仰丞揖博士應峻置題名碣於祠之堂昭祖功也勒石記題仰永勿失永世守也濟衆之仁承先之孝祖孫有同美焉

桐鄉縣

惠民橋

桐鄉縣志在縣署前明正德九年改建舊

名望寧

登雋橋

弘治嘉興府志在儒學東南桐鄉縣志明

成化二年移建舊在西名德輝橋

便民橋

桐鄉縣志在皂林鎮東明正統初建天順

時鄧鏞創改石橋

吳昂便民橋記宣德間廬陵周文襄忱撫浙西以興革利害為

已任乃建為橋民甚便之名之曰便民歲久木壞危不可渡天順改元之冬通判事臨川鄧鏞孟宣督賦桐鄉次於皂林見而恤之乃易甃以石為久遠計知縣事張泰縣丞鄧玘董其事不逾時而橋成其長一百九十九尺高如其濶之六尺下為環洞長比上殺四之三有奇於是有事往來者無阻溺之患而咸喜其便予曰此惠政也不可以無記故書

秀溪橋 弘治嘉興府志在皂林鎮驛西桐鄉縣志

明永樂十三年建

國朝康熙九年冬重修

汪文伯秀溪橋夜渡詩繞過青
瞰日已曛蘆花刺艇亂鷗羣橋

邊古戍聞人語蓬底篝燈照水紋寺角半分遮岸
樹鐘聲欲渡隔溪雲雪川訪舊成來往獨坐空齋

懼寡
聞

萬春橋 明一統志在縣治西北宋淳祐初建

語兒橋 桐鄉縣志春秋時夫差督兵拒越此地有

生子即能言者因名其溪為語溪

觀谷橋

弘治嘉興府志在七都桐鄉縣志即長水

塘宋時有觀谷里故名嘉興府志一名都斧橋

興德橋

弘治嘉興府志在青鎮上有樓亭又名花

橋

宋文恪青鎮興德橋記許君廷用以將軍之符

來守烏青鎮居閒或徘徊里巷視民緩急之宜

而以興德橋壞實艱於涉乃發私索而重建焉時

至正乙亥冬十一月也茲邑燬於兵歷五寒暑矣

業薄民散問巷索然昔之所見一無復有矧興德

橋居市之半分三洲一水之間行旅憧憧臨流而

返幾何人哉然未有以濟川之功為已任者今將


軍不謀於人鳩工僦傭購財輦石飛梁閭道舉復

其舊其善政可記也

許君名信廷用其字

茅家渡 桐鄉縣志在皂林塘東四里宋置官渡歲
課淨利錢元明以來革之聽民自便

國朝因之



浙江通志卷三十四